



## INFORMACIÓN PARA O ALUMNADO: NORMAS DE ORGANIZACIÓN E FUNCIONAMENTO DO CENTRO (extracto)

### Art. 2: Do alumnado: Dereitos e deberes

1. O pleno desenvolvemento da personalidade do alumno esixe unha xornada de traballo escolar acomodada á súa idade e unha planificación equilibrada das súas actividades de estudo.
2. Todos os alumnos teñen dereito ás oportunidades de acceso aos distintos niveis de ensino; nos niveis non obrigatorios non haberá máis limitacións que as derivadas do seu aproveitamento ou das súas aptitudes para o estudo.
3. A igualdade de oportunidades promoverase mediante:
  - a) A non discriminación por razón de nacemento; raza; sexo; capacidade económica; nivel social; conviccións políticas, morais ou relixiosas, así como por minusvalideces físicas, sensoriais e psíquicas, ou calquera outra condición ou circunstancia persoal u social.
  - b) O establecemento de medidas compensatorias que garantan a igualdade real e efectiva de oportunidades.
  - c) A realización de políticas educativas de integración e de educación especial.
  - d) Os centros desenvolverán as iniciativas que eviten a discriminación dos alumnos, poñerán especial atención no respecto das normas de convivencia e establecerán plans de acción positiva para garantir a plena integración de todos os alumnos do centro.
4. Son dereitos e deberes do alumno os que se establecen neste artigo e no resto das normas vixentes, considerando que:
  - a) Todos os alumnos teñen os mesmos dereitos e deberes, sen máis distincións que as derivadas da súa idade e do nivel que estean cursando.
  - b) Todos os alumnos teñen o dereito e o deber de coñecer a Constitución española e o respectivo Estatuto de Autonomía, co fin de formarse no valores e principios recoñecidos neles e nos Tratados e Acordos Internacionais de Dereitos Humanos ratificados por España.
  - c) Todos os alumnos teñen dereito a que a súa dedicación e esforzo sexan valorados e recoñecidos coa obxectividade, e a recibir orientación educativa e profesional.
5. Recoñécense ao alumno os seguintes dereitos básicos:
  - a) A recibir unha formación integral que contribúa ao pleno desenvolvemento da súa personalidade.
  - b) A que se respecte a súa liberdade de consciencia, as súas conviccións relixiosas e as súas conviccións morais, de acordo coa Constitución.
  - c) A que se respecten a súa integridade e dignidade persoais.
  - d) Á protección contra toda agresión física ou moral.
  - e) A participar no funcionamento e na vida do Centro, de conformidade co disposto nas normas vixentes.
  - f) A recibir as axudas e os apoios precisos para compensar as carencias e desvantaxes de tipo persoal, familiar, económico, social e cultural, especialmente no caso de presentar necesidades educativas especiais, que impidan ou dificulten o acceso e a permanencia no sistema educativo.
  - g) Á protección social, no ámbito educativo, nos casos de infortunio familiar ou accidente.



6. O estudo é un deber básico do alumno que se concreta en:

- a) Asistir ás aulas con puntualidade e participar nas actividades formativas e, especialmente, nas orientadas ao desenvolvemento dos currículos.
- b) Seguir as directrices do profesorado, con respecto e debida consideración a súa persoa e aos seus compañeiros, en relación coa súa educación e aprendizaxe.
- c) Participar e colaborar na mellora da convivencia escolar e na consecución dun adecuado clima de estudo no Centro, respectando o dereito dos seus compañeiros á educación.

7. Ademais do estudo, son deberes básicos dos alumnos:

- a) Respetar a liberdade de conciencia e as convicións relixiosas e morais.
- b) Respetar a dignidade, integridade e intimidade de todos os membros da comunidade educativa sen ningún tipo discriminación por razón de nacemento, raza, sexo ou por calquera outra circunstancia persoal ou social.
- c) Respetar as normas de organización, convivencia e disciplina do Centro educativo.
- d) Conservar e facer un bo uso das instalacións do Centro e materiais didácticos.
- e) Acudir ao centro debidamente identificado e acreditar a súa identidade cada vez que llo requiran o profesorado e o persoal laboral do centro. Para cumprir con este deber queda totalmente prohibido o uso de calquera prenda que tape parte ou totalmente a cara do alumnado.

8. As administracións educativas favorecerán o exercicio do dereito de asociación dos alumnos, así como a formación de federacións e confederacións.